




307-172





徐氏筆精序

文家四部曰

經史子集

而總之以經為的易書

詩儀禮周禮語孟孝經經而經者也春秋史而

經者也曲禮尤氏公穀傳而經者也爾雅訓而

經者也道德南華子而經離騷賦而經子經之

餘也騷詩之餘也九流十家稗官瓌語偏記小

部子與史之餘也經載道史紀事子之理遜經

而事或因史若夫理外之乾坤事中之今古則

集聞益其未備故釋經與傳註參體辯史與贊

淺草文庫



304-115

評齊行。詮文與叙引共紀。班氏所謂使遇明奇。  
折衷輔拂。悉股肱之材。此徐興公筆精之所為。  
作也。興公麓伯氏。惟和狎主三山社。筆耕心織。  
盡抽二酉之藏。竹夕花時。足當四面之敵。而書  
淫至老不衰。異聞必識。秘簡必摻。卽破產典衣。  
不恡。當其意所賞會。或胸有獨照。往往劄記。掌  
錄紛紛。綸綸績久成帙。因友人鄧道協函寄。留  
都。余得授而卒業焉。復為排纘倫次。臚列區分。  
為卷者十。為類者三十有八。義例略倣葉嗣忠。

海錄。孫李昭示兒編。以便觀覽。蓋是編出。經入  
史。而獨詳於詩。詩自三百篇。以迨我  
明。亡不品題。而櫛比之。而記載後先。一以世代  
為序。其闡釋聖真。可訂注疏之謬。其揚扞韻語。  
可維風雅之衰。其摘幽隱。可備丹陽之鈔。其蒐  
遺佚。可補河東之篋。其剖析疑訛。可決石渠之  
同異。其知古知今。識大識小。可膏菁藻。可扶風  
教。可廣咨諏。可長意智。允矣學海之津梁。絜林  
之芳潤。豈與夫六官五略。忽近遺遠。齊諧萬壑。

弄詼弔詭者哉。余竊怪今之詞人，不宗六經而乞靈於僞子，不信正史而拾瀋於野譚，不考古博物而鉅釘於流俗惡札。小才偏見其所為詩文集，亦解裙襦掇含珠安所得五經笥而腹之。第七車行秘書而問之，余次茲編必首易通。蓋亦尊經之意，且以垂老之年獲此瓊寶，手持口誦，喜荷共并，亦何忍為帳中秘，亟授道協以公同好。道協倏捐賓客，而邵觀察肇復授之梓興。公它著述甚富，有黿峰集、南思、受司徒序而傳。

之。茲編以筆精名，則本江文通別賦中語，亦子類云。

崇禎四年歲在重光協洽一陽月中澣白門寓公黃居，中書於朝爽閣。

徐氏筆精序


予友徐興公所著筆精。殫列突奧，剖折同異，多  
擴前哲所未幾。允為後進指南。丁卯歲，友人鄧  
道協參軍事於陪京。篋笥以行為溫陵董明。幸  
先生所編定，俾之剞劂，纔繕寫而道協已溘朝  
露矣。遂不克竟云。予浪跡金陵，獲從明立游談，  
及其事，亟搜舊藁，得之梓人，恐其日久湮滅也。  
捐金以成之。會工竣，明立令予為弁數言。余謝  
曰：有先生在，安事詹者？為興公。至晏。明立曰：

不然聊以忘吾兩人之苦心云爾予惟古今騷  
人護士嘯咏之餘有所著述要以原本於經史  
幾揮其義例間有獨得足破千古之疑不妨躬  
自翻駁揭以示人即起漢晉唐宋諸儒商榷一  
堂未嘗不首服心折乃邊見小儒橫口雌張輒  
謂遵王之制日抱訓詁沾沾不脫不知  
國家功令未嘗錮人於向學之途柰何哉童習  
白紛達則迷蔽乎天下窮亦矇瞶其子孫其若  
風教運會何予識不逮興公而鈞異之癖則同

學不逮明立而慕古之心不遠謬意博士家不  
得於朝而日取古人陳迹講求而折衷之未必  
無補於盛明之萬一也興公一布衣名譟天下  
予安足取重倘附明立之後庶幾藉以不朽也  
夫

崇禎壬申歲冬月

前進士行人尚書文部郎參知西川行者兩浙  
觀察使友弟邵捷春撰



徐氏筆精卷一

晉安徐 焯興公撰輯

同里邵捷春肇復訂定

溫陵黃居中明立編次

易通 凡九十一則

夫易廣矣大矣。泥章句不可言易。考亭夫子作本義。後世說易者。鏤於肺腸而不能蕩滌。局於識也。余世學易。專其門。獨余偃蹇不售。其所學間有臆見。及覽諸書。有同異不符。朱

氏昔者輒筆之以資談柄弗敢聞於人兒子  
陸欲取觀余咲而匿之且戒曰而翁之易非  
世儒之易也余之咲且匿者有深思焉童子  
何知萬曆甲辰夏日書於鰲峰之讀易園

潛龍勿用

徐氏曰乾初一畫有初九潛龍勿用之象故聖  
人係之以潛龍勿用之辭朱子分潛龍為象勿  
用為占似支離決裂如九二見龍在田亦是一  
氣語坤之六二有占無象是其證也

天行健

胡安定曰天形蒼然一晝一夜行九十餘萬里  
故曰天行健人身小天地上有天關下有地軸  
若能迴天關轉地軸上下往來一息一周天矣  
君子自強不息欲吾身內運轉如天之行健耳  
潛龍勿用陽在下也

婁東張元蒙曰孔子發明曰陽在下也陽氣潛  
藏在下者非有時而在上也即在上者常在下  
也潛藏者非有時而發用也即發用者常潛藏



也。此聖人退藏於密。老子書皆主此。故曰猶龍。

一 雲從龍，風從虎。

楊氏慎曰：張璠從音，隨從之從，去聲。雲出則龍必從之，風出則虎必從之。猶曰龍從雲，虎從風也。今按此說甚異。諸家而理至，凡龍起必雲而謂龍能致雲，非也。虎出必風，而謂虎能致風，非也。猶蟻徙必雨，乃雨氣感蟻，蜥蜴聚必電，乃電氣感蜥蜴，謂蟻能雨，蜥蜴能作電，可乎。古人多倒語成文，後人不達，便成滯義。古樂府云：虎嘯

谷風起，龍興景雲浮，無怪乎今之誤也。

至哉坤元，萬物資生。

徐氏曰：至哉坤元，萬物資生，乃承順天。夫人之元氣藏於腹，猶萬物之藏於坤，神入氣中，猶天氣降而至地，氣與神合，猶地道而承天。天地以此而生物，吾身以此而生。藥太玄經云：藏心於淵，美厥靈根。參同契云：恆順地理，承天布宣。本易旨也。

必有餘慶。

黃氏震曰慶當作平聲與下文殃字協韻上文乃終有慶亦與應地無疆平聲相協睽卦志行也往有慶也亦協韻益卦其道大光中正有慶亦協韻他如井困豐兌凡易中慶字無不與平聲協韻者

黃中

徐氏曰坤為腹故太玄以坤為黃宮黃宮即黃庭也黃屬土而在中又曰黃中艮卦行其庭即黃庭也道書解極玄奧宋儒釋之淺矣

九五屯其膏小貞吉大貞凶

楊氏曰漢書谷永傳引此文孟康註云膏者所以入潤肌膚爵祿亦所以養人也小貞臣也大貞君也遭屯難饑荒君當開倉廩振百姓而反吝則凶臣吝嗇則吉也

利用刑人

張氏鼎思曰初六發蒙利用刑人用說桎梏以往吝三原王氏曰利用刑人刑即書所謂扑作教刑學記稱夏楚二物是也責之以警其怠惰

使之從教。程傳威之以刑者，所以說去昏蒙之  
枉桎也。若痛懲有甚於擊蒙，似拷訊罪者，非發  
蒙之道也。

需于沙，衍在中也。

楊氏曰：衍，寬平之地也。在傳地名，有昌衍。漢書  
地名有廊衍，之文亦承需沙為義也。孟喜揚  
文辭作需於沙衍。

天與水違行

張氏曰：象曰：天與水違行，訟。先儒謂天在上，水

在下，其行相違，故訟。或謂上下體也，非行也。違  
者，天西旋，水東注，有相左之義，故取此象訟也。

或錫之鞶帶

張氏曰：鞶帶，傘服之飾。尊盧吳氏以為革帶所  
以繫鞞繫佩，凡傘服先束革帶，乃加大帶。禮曰：  
男鞶革，即此帶也。先儒就以鞶帶為大帶，蓋未  
詳耳。

丈人

黃氏曰：程云：尊嚴之稱。朱云：長老之稱。丈者，忝

侖尺引之積王克論衡云人形以一丈為正故名男子為丈夫尊翁嫗為丈人此說亦可補諸說淮南子謂老者杖於人為丈人

毒天下之民

徐氏曰師卦以此毒天下之民而民從之朱子注毒害也凡有害於民則民弗從許慎說文毒音篤訓生厚也從生母會意毒音獨傷害也從草毒諧音二字聲音訓義皆有分別

風行天上

陳潛室曰風行天上似無蓄聚之理何以謂之小畜風者披揚解散之意今為風矣而止行于天之上是猶有物止蓄而未得解散所以成畜之小

輿說輻

吳草廬曰輿說輻與大畜九二輿說輻同殊不知大畜小畜義異安得以為同一輻哉蓋輻伏兔也在軸之上承輿者車不行則脫之大畜陽能自止欲不行則說輻也小畜則陽與陰爭有

傷於輻而說之不得行也。則輟主於不欲行亦  
有辨耳

有所疑

張氏曰：君子征凶有所疑也。疑舊作礙。謂畜道  
已成。抗陽之時也。陰抗陽如小人害君子。其徑  
路必為布置阻礙。動則不利。君子安得行乎。礙  
且與韻叶。

其旋元吉

董氏曰：旋字上連視履。恐是旋踵之旋。

苞桑

張氏曰：其亡其亡。繫于苞桑。今之解者。以苞桑  
為固結之喻。非也。苞桑。豈固結之物乎。蓋古人  
朽索六馬。虎尾春冰之類也。陸宣公收復河北  
後。請罷兵。狀云：邦國之杌隤。綿綿聯々。若苞桑  
綴<sup>旒</sup>。幸而不殊者。屢矣。此得其解。

簪

猗覺寮曰：豫之九四。朋盍簪。王弼云：盍。合也。簪  
集也。謂朋來之速。子美云：盍簪喧櫪馬。列炬散

林鷗以簪為冠簪之簪古冠有笄不謂之簪  
後人所名彌言為是

澤中有雷

臨川鄒氏曰澤中有雷此收聲于兌之時也

不事王侯

焦氏語曰盡之五爻皆言幹父之蠱至上九則  
曰不事王侯高尚其事象曰不事王侯志可則  
也後人徃引四皓子陵解此一爻誤矣出則  
事公卿入則事父兄不事王侯此索隱行怪之

為聖人不取也禮曰八十者一子不從政九十  
者其家不從政上九處卦之終當父母耄期之  
日不出從政非所以要譽鄉黨朋友非惡于祿  
而然蓋知尊尚孝德者也曾子居魯齊欲聘為  
鄉曾子曰吾父母老不忍遠親以為人役斯人  
也其百世之師歟故曰志可則也

雷電噬嗑

黃氏曰程朱諸家皆言于卦合云電雷今云雷  
電者字相類而誤惟鄒氏謂象亦云雷電合而

章不必以是疑經文。此卦雖離上震下。然陽氣將震發。乃閃然成火。故雷與電止一氣而雷為主。電者雷之精光。如爆杖火一出而聲即透。亦主在聲。雷電非其他。判然二象之比。彖言雷電合而章。語意絕好。經文未必誤也。

噬乾肺得金矢

徐氏曰。王肅注易十卷。今不傳。其注噬乾肺得金矢曰。四體離陰卦。骨之象。骨在乾肉。脯之象。金矢所以獲野禽。故食之反得金矢。君子于味

必思其毒于利。必備其難見。太平御覽

賁于丘園。束帛箋。

張氏鳳翼曰。賁于丘園。束帛箋。吝終吉。是言人君禮聘賢才。令光生丘園也。宋王敬弘奏云。宜加旌聘。賁于丘園。以彰止遊之義。卽是此意。但聘賢之禮。貴其厚而賤其薄者。以陰性吝。嗇故耳。然禮賢自是盛典。故終可以得吉。

以杞苞瓜

蔡節爵曰。五與初無相遇之道。猶以高太之杞。

苞在地之瓜，惟當自畜其德，以待之。其有墮  
乃出於天，非人所能為也。楊氏曰：太玄：蒼木維  
流，厥美可以達于瓜

先王以至日閉關，商旅不行，后不省方。  
慈溪黃氏曰：商旅至賤也，后至至貴也。上自后，下  
至商旅，皆以安靜為事。此說諸家未之及也。蓋  
若不如北，兩下總提，則先王與后分為兩主人  
矣。

### 何天之衢

長洲張氏曰：何，梁武帝作荷，負也。王延壽魯靈  
光殿賦云：直荷天衢。以元亨。程子曰：天之衢亨，  
誤加何字。朱子曰：何天之衢，何其通達之甚也。  
讚之也。俞玉吾集說引晦叔王氏曰：荷當作行。  
以上四說均于易有裨，而晦叔王氏似尤簡明。  
過涉滅頂凶，无咎。

張氏鳳翼曰：大過辭云：過涉滅頂凶，无咎。趙溫  
與李權書謂：一為過，再為涉，三而弗改，則滅其  
頂凶，可見无咎云者，蓋言無所歸咎，如易所謂



又誰咎也。本義與此義殊。

遇坎有酒

徐氏曰：坎之六四，樽酒簋飯，用缶。需九五，需于酒食，未濟上九，有孚于飲酒。困九二，困于酒食。卦皆有坎。文王周公以酒告戒，其象見于易三爻，皆陽剛制之之意也。

坎不盈，祇既平

張氏曰：祇，既平。祇，鄭作坻，水渚也。詩宛在水中坻。說文云：小渚，坎之象也。澤水盈科而后進，九

五坎之陽流而不盈，適平于坻而已。蓋陽剛中正，而能出險之象。

離麗也

黃氏曰：古說皆以為附，愚恐亦兼文明之意。如日月麗乎天，百穀草木麗乎土，重明以麗乎正，皆有華麗氣象，不特言附着而已。

咸其脢

徐氏曰：古註云：脢，心之上，口之下。進不能大感，退亦不為無志，其志淺末，故無悔而已。背肉之

說起于程朱

肥遯

焦氏茲曰遯卦肥遯无不利肥字古作斐與古  
斐字相似後世同譌為肥字九師道訓云遁而  
能飛吉孰大焉張平子思玄賦云欲飛遁以保  
名曹子建七啟云飛遁離俗金陵攝山碑緬懷  
飛遁皆可證焦氏之說本姚西溪叢語

大壯則止

大壯則止遯則退也熊氏曰大壯剛以動而曰

止非其象矣止蓋上字之誤大壯之勢陽上而  
不已遯則陽退諸家之說紛紛多牽合無取也

晉如鼯鼠

鼯鼠子夏康成皆作碩大也二三四互艮象  
鼠九陽為大鼠本草指為蝼蛄項本卷以土狗  
言皆非

箕子

陸氏深曰明夷箕子以之漢趙賓訓箕子者陰  
陽之氣萬物方萎滋非商箕子也賓蜀人

晉書明夷昧

晉書明夷誅也誅孫奕作昧明出地上為晝明  
入地中為昧得反對之義關子明曰蒙昧者厥  
道求乎明明夷亦昧也昧不明蓋傷之也孫奕  
本此

風自火出

潛室陳氏曰風自火出何以謂之家人猶言風  
化自內出也火文明之德夫婦父子夫  
兄弟即內文明之象一家之風化由嚴明

中來所以一卦多尚嚴明

馬為曳

其于馬也為曳邵氏雍曰馬字誤當作其于輿  
也為曳易曰見輿曳又曰曳其輪輿有曳而馬  
無曳也

位正當也

毛晃曰易當位不當位皆作平聲讀俗作去聲  
讀誤

蹇利西南不利東北

劉子新論利西南就土順也。不利東北登山逆也。

龜弗克違

徐氏曰程傳云或益之。一句十朋之一句龜弗克違。即書云龜從之意。

莫陸夬

徐氏曰夬卦九五莫陸夬。稽攷莫誤作莫。朱子注莫即馬齒。莫按許氏說文莫音還。山羊細角者象山羊蝸角形。寬字諧其音。易傳澤天夬。

為兌、彡為羊見關朗易傳

莫陸

顏氏玩詞曰莫音九。山羊也。陸其所行之路也。猶鴻漸于陸之陸。兌為羊在上卦有山羊之象。勸按說文莫山羊細角也。從兔足莫聲。讀若九。莫字從北。徐鍇按本草注莫羊似鹿羊角有文。俗作羴。

學齋帖碑曰莫陸草之柔脆者也。決之至易。故曰夬、夬以莫陸為一草。至馬鄭曰莫陸商陸也。

以莧陸為一物。宋衷云：莧，菜也。陸，商陸也。虞  
云：莧，蕒也。陸，商也。然後別而為二。至注疏正義，  
乃引子夏傳云：莧陸，木根草莖，剛下柔上。馬融  
鄭玄、王肅皆云：莧陸，一名商陸，皆以莧陸為一。  
惟董遇云：莧，人莧也。陸，商陸也。以莧陸為二，終  
不訂其或一或二異名之說。余因謂釋經莫若  
爾雅為正，且祖因証之。爾雅疏草部云：蕒，赤莧。  
釋曰：赤莧，一名蕒。今莧菜之赤莖者也。又曰：遂  
蕒，釋曰：藥草商陸也。一名當陸，初無莧陸一名。

商陸之說，則莧自莧，陸自陸。莧為菜，陸為草。其  
為二物，明甚。宋謂之菜，虞謂之蕒。董謂之人莧，  
二家之說，得之矣。

### 萃亨

徐氏曰：萃，聚也。民富物阜，財力有餘之時也。萃  
則亨矣。經文原有亨字，解之未嘗不通。本義以  
亨字衍文，豈以彖文不及亨字乎。太拘矣。

### 用大牲

太蒼陸氏曰：萃卦用大牲吉，大牲者，坤為衆，為

牛、之乃牲之大者、以萃時而有此象、如其象而  
用之、可也。

困于酒食、朱紱方來。

徐氏曰、二以剛處困、無酒食以施惠、困于酒食  
之少也、乃朱紱之貴、卒然而來、困吝不足可知。  
已利用亨祀、乃利用禴之意、薄祭只可羞鬼神  
而已、豈可以奉王公也哉。

困于赤紱。

徐氏曰、困之九五、剝剛困于赤紱、乾鑿度曰、文

主在諸侯之位、上困于紂也、天子三公九卿朱  
紱、諸侯赤紱。

利用祭祀。

徐氏曰、困九五曰、利用祭祀、謂明雖困于人、而  
凶可感于神、豈以人不能知、而鬼獨知之乎、孔  
子曰、知我者其天乎、韓子云、惟乖于時、乃與天  
通、不求人知、而求天知、處困之道也。

木上有水井、君子以勞民勸相。

張元象曰、以木為器、汲水而上、井之象、君子法

井之象制為井田使民服田力穡勤勞于下供給乎上勸其相助不敢惰農自安亦井養而不窮也卦以養人為義象以使民交相養之義

井收勿幕

徐氏曰井收者井口之曰亦一井之體收于此也掘井及泉深之使清甃之使固自下而上至于井收則井之功畢矣井甃者所以禦惡于內井收者所以禦惡于外收以禦惡非杜人之汲也故禁之使勿幕

己日乃孚

張氏曰經典義理之說最為無窮以故解釋傳疏自漢至今不可槩舉至有一字而數說者姑以周易革卦言之己日乃孚革而信之自王輔嗣以降大抵謂即日不孚己日乃孚己字讀如音矣蓋其義亦止是耳唯朱子發讀為戊己之己洪造曰昔與易僧曇瑩論及此曰或誤作己音紀日何如瑩曰豈惟此也雖作己日亦有義乃言曰天元十干自甲至己然後庚者革也故

己日乃孚猶云從此而革也十二辰自子至己  
六陽數極則變之而陰于是為午故己日乃孚  
猶云從此而變也用是知好奇者欲穿鑿附會  
固各有說云

### 豹變

君子豹變言變而為豹也楊子曰狸變則豹所  
謂豹變大人虎變言變而為虎也楊子曰豹變  
則虎所謂虎變

### 屬薰心

學齋作俾曰唐李鼎祚所集易傳李翼函序引  
頗取之予近詳觀則皆漢晉諸儒之解虞翻一  
家頗多而稍的切于玄弼之上宜乎自詭以夢  
吞三畫也其在艮卦之九三艮其限列其夤屬  
薰心今易作薰心而李本作闔心且引虞翻注  
曰限腰帶處也坎為腰五來之三坎為心屬危  
也艮為闔守門人坎盜動門故屬闔心古闔  
作薰字馬因言熏灼其心未聞以坎水熏灼人  
也荀氏以熏為勳或又誤作動皆非也大率鼎



祚六十四卦皆指動爻互體卦為說非後人之  
所及又于巽卦彖象也注引虞翻曰六十四卦  
皆觀繫辭而獨于巽言象何也象事知器故獨  
言象也尤為有理余又按艮為閹寺乃湯繫辭  
說卦虞翻援引非曲學也

上九鴻漸于陸

徐氏曰注疏皆言于陸漢儒無釋達字之說唐  
陸羽筮得此文因以為名為字何程子臆改之  
後朱子依之後人習而不察也若謂以韻讀之

則鴻漸于干小子厲亦謂之協韻可乎

歸妹以須

本義曰須女之賤者未竟其說嘗考之天官書  
須女四星陸氏震云織女三星貴須女賤此取  
象之意也漢上之說亦然

帝乙歸妹

王氏應麟曰帝乙歸妹子夏傳謂湯之歸妹也  
京房載湯嫁妹之詞曰無以天子之尊而乘諸  
侯無以天子之貴而驕諸侯陰之從陽女之順

夫本天地之義也。往事爾夫。必以禮義。苟爽對策。引帝乙歸妹。言湯以娶禮。歸其妹于諸侯也。張說。鄆國公主銘亦曰。帝唐降女。天乙歸妹。若在傳。筮遇泰之需。曰微子啟。帝乙之元子也。虞翻亦云。紂父。二說不同。正義皆畧之。

楊慎曰。帝乙。殷之賢君。尚書所謂成湯至于帝乙。罔不明德。慎刑是也。史記云。帝乙時。殷道益衰。此皆經之說也。后世注易者。因史記之言。遂以帝乙為成湯。則易與尚書又相矛盾矣。信史

而疑經。其弊有如此者。嗚呼。一代之君。聲迹豈微乎。其善惡之名。傳信傳疑。一彼一此。况史之紀錄。一人一事之得失。可盡信乎。

徐氏曰。爻按乾鑿度云。歸妹。八月卦也。陽氣歸下。陰氣方盛。故復以見湯妹之嫁。以天子貴妹。而能自卑順從。變節也。孔子曰。成湯至。帝乙自帝乙。湯之玄孫之孫也。此帝乙。即湯也。殷錄質。以生日為名。順天性也。玄孫之孫。外恩絕矣。同以乙日生。疏可同名。乾鑿度與京氏合。湯名帝

九無疑矣

君子以居賢德善俗

徐氏曰王弼注賢德以止巽則居風俗以止巽乃善此說既不失經旨且明徹本義疑賢字衍釋經經亡視漢儒為烈矣唐郭京周易舉正云俗字上脫一風字良是

史巫紛若

徐氏曰史巫皆善口舌紛若丁寧煩悉也巽在床下卑之極矣惟用于史巫則吉祝史之言紛

然而多故巽其究為躁卦

渙王居

董氏曰此爻渙汗大號之下又曰渙王居者故再提卦名渙字言九五渙之君位也故象曰王居无咎正位也似無散積聚之意

豚魚吉

張氏曰中孚豚魚吉豚魚先儒皆以為二物朱子以為無知之物則一物耳按吳草廬曰豚魚澤中之物似豬俗謂江豚澤將風則浮出水面

有南風則口南向有北風則口北向舟人稱為風信其說是也言誠信能如豚魚則誠能動物吉之道也

我有好爵

徐氏曰中孚九二好爵當是好雀孟子為叢枝爵漢改元神爵可證古之爵字中孚卦爻皆取象于禽獸豚魚吉有他不燕鳴鶴在陰我有好爵馬匹亡翰音登于天

我有好爵吾與爾縻之

集氏曰鳴鶴在陰其子和之我有好爵吾與爾縻之相觀而善謂之縻鳴鶴以相和成聲好爵以相縻成德子夏易說如此今本作縻牛纏也取繫戀之義然不如縻屬之說為長以韻讀之又叶也或作縻與縻通漢賈山傳自下縻上注音縻屬也剗切之也與易文縻義合

禴祭

王氏曰漢郊祀志引西隣之禴祭顏師古注禴煮新菜以祭蓋以淪為禴王輔嗣云禴祭之薄

者也。沼沚之毛，蘋蘩之菜，可羞于鬼神，亦與顏注同。鄭康成謂禴，夏祭之名。

曳其輪，濡其尾。

徐氏曰：乾鑿文，王下出九尾見注云，文王師呂尚，遂致九尾狐瑞，渭濱俱載而歸。既濟初九，曳其輪，濡其尾，當是文王事也。三爻則引高宗伐鬼方事。

濡其首。

徐氏曰：未濟上九以剛明處天下之事，可以濟。

矣。雖飲酒宴樂，信乎其無灾咎也。故曰：有孚于飲酒，无咎。若懷其宴安，沉湎無度，則又將入于未濟，而飲酒之樂，信乎其失之也。故曰：濡其首，有孚失是。本義如狐之涉水，本文無狐字。

剥床

徐氏曰：剥卦初六，剥床以足。六二，剥床以辨。朱子注：辨，床榦也。出何典故？稽攷：床乃戕字之誤。按爾雅：革中絕謂之辨。

日月運行一寒一暑

楊氏曰日在牽牛則寒東井則暑牽牛水宿遠人故寒東井火宿近人故溫也

君子所居而安者易之序也

今文作序陸德明曰虞翻本序作象呂東萊曰作象乃與下義合象者立象成器以為天下利也

悔吝者憂虞之象也

楊氏曰或曰虞度也非也憂則悔矣度何以吝乎古字虞與娛同孟子曰霸者之民驩虞如也

戰國策顏蠋云晚食以當肉安步以當車無事以當貴清靜寧固以自虞注虞娛同毛詩小序以禮自虞漢書郊祀歌神嘉虞又合好效歡虞太乙魏相傳君安虞而民和睦

闔闢往來

徐氏曰一闔一闢謂之變往來不窮謂之通蓋人身之陰陽與天地之陰陽相似若能御呼吸于上下使之周流不息則闔闢往來之妙盡在吾身中矣通則通吾身之闔竅也

游魂為變

林子曰自太虛中來者元神也智慮日長而元神遂化為識神矣故其夢也都從識神而變釋氏四生六道亦從游鬼而變故孔子曰游鬼為變

鬼神情狀

徐氏曰神氣聚則物生神氣散則物死又曰陰精陽氣聚而成物神之伸也魂遊魄降散而為變鬼之歸也

冶容誨淫

楊氏曰冶銷也遇熱則流遇冷則合與冰同志故冶字從冰女之艷媚亦令人銷神流志故義色曰冶也

坤為柄

俞氏曰柄當作柄乾性圓轉而曲坤性柄方而直故乾園坤柄相互也

震為龍

張氏曰說卦震為龍與乾同故虞翻干寶本作

龍荀爽九家集解兌后有二曰為常為輔頰注  
云常西方神也

寡髮

洪景廬曰考工記車人之事半矩謂之宣注頭  
髮顛落曰宣易巽為宣髮宣字本或作寡周易  
巽為寡髮釋文云本又作宣黑白雜為宣髮

君不密

徐氏曰君不密臣不密幾事不密者周密也  
非隱秘也大抵君臣相謀須周詳縝密毋至踈

畧滲漏致臣下議其短長也若作隱密則君臣  
相語之際如神出鬼沒之狀矣豈聖人立教之  
意哉聖人用心光明無不可對人言與天知者  
者也

潤之以風雨

張氏曰潤之以風雨風未嘗潤也烜之以日月  
月未嘗烜也楊用修曰古人之文有因此而援  
彼者有從此而省彼者如沽酒市脯不食酒非  
可食也大夫不得造車馬不可言造也如此



類者皆是

乾下夫下

王氏曰乾下夫下皆九三重剛也謙下初六居下卦之下也坎下六三居重險之間也蹇下六二陰居陰也

龍飛虎變

何孟春曰乾九五龍飛之大人龍飛虎變惟有聖德而在天位者當之龍飛堯舜當之虎變湯武當之

九四得金矣六二得黃矣

黃氏曰傳云金取剛矣取直以九四陽德而言也黃中色金剛物以六五居中處剛而言也諸家皆從其說惟晦菴主周禮獄訟入鈎金束矢而後聽之說以經說經固尤有據但恐周禮出于王莽之世未必盡皆周公之真若先要取其金而後與之聽訟雖昏亂之世不為况成周之治哉或者劉歆輩欲假此為取貨張本已而卽激天下之亂不及施行也耶金矣黃金皆象

也非真也

洛書方位

焦氏曰佛典云載九履一左三右七二四為肩六八為膝縱橫皆十五而五居其室今所傳膝誤作足亦無五居其室一句獨見于佛書耳

終朝三拖

楊氏曰鄭康成古注褫作拖晁以道謂如拖紳之拖蓋上剛之極本以訟而得鞶帶不勝其矜而終朝三拖之以誇于人本義作奪非是象曰

以訟受服而今以奪解之可乎

渙奔其机

徐氏曰机與几同有所憑依之象俗誤為机非也

公用亨于天子

蘇氏曰亨字不必作享字亨通也大有之世廟堂之上通為一體四海之衆通為一家為公者豈無所以上通于君乎古稱群后肆朝敷奏以言嘉謀嘉猷入告爾后此則人臣所以通于君

者也

除戎器戒不虞

蘇氏濬曰萃之時任武不可忘武亦不可故曰除戎器偃武也其橐弓歸馬之風乎曰戒不虞不忘武也其重門擊柝之備乎朱子以除為修治竊所未解

好遯

蘇氏曰好遯言有所好而遯如論語所謂從吾所好也世人之所好者在富貴功名君子之所

好者在性天真境世人逐々乎世味之內君子悠々乎世味之外此之謂好遯也此惟君子能之而小人不能也如曰有所好而能絕之以遯未免添足

鼎折足覆公餗其形渥凶

蘇氏曰九四一爻當依本文不宜妄改九四不中不正而處高位如係辭所云者折足失其所以行也覆公餗所謂敗乃公事也形渥王弼曰渥沾濡之貌程子曰赧汗也極是大臣以涼德

取克位、至天下之事、敗壞而不可為、何面目立  
于朝廷、宜其汗出沾背也、朱子以刑渥如刑剝、  
且曰重刑、按周禮剝誅、謂夷三族、大臣誤國、不  
應處之極刑、非之非矣、

利用賓于王

蘇氏曰、用賓、非朝覲仕進也、必有所不召之臣、  
然後成其大有為之君、故利在自重而尚賓、

易取象

易重取象、龍血玄黃、雨于何地、日中見斗、災于

何世、載鬼一車、見于何人、然衆人不以為誣、君  
子不以為恠、何也、取象也、非實也、

經臆 凡三十三則

賢、賢、易、色

賢、易、色、注、訓、易、其、好、色、之、心、是、矣、然、與、下、文、  
事、父、母、能、竭、其、力、語、意、不、類、蓋、遇、賢、人、必、極、其、  
禮、貌、以、敬、之、色、指、禮、貌、而、言、論、語、云、其、次、避、色、  
亦、指、禮、貌、衰、也、色、力、身、信、皆、自、己、身、上、事、一、說、  
謂、輕、易、女、色、而、不、以、為、重、亦、通、

晏平仲

早舉謚平仲朱注未詳

儻

鄉人儻朱注儻雖古禮而近于戲非也按月令十二月紀曰余有司大儻高誘注曰大儻逐盡陰氣為陽導也與土牛同義今不戲擊土牛送寒氣而戲儻之導陽氣可乎若以為戲則周公所制之禮孔子所行之事皆背戾矣孔子朝服而立于阼階正信而好古上律天時者也

負版

鄉黨式負版者注云持邦國圖籍者儀禮注曰前有哀後有負版左右有辟領孝子哀戚之心無所不在三者惟子為父母用之夫子凶服者式之式負版者俱哀有喪也若曰周禮重民教殊附會矣

賢者七人

賢者辟世與作者七人注疏原作一章朱子分為兩章注云七人者儀封人荷蕢晨門楚狂接

輿長沮桀溺荷蓑丈人也陶潛聖賢群輔錄本  
漢儒之注而列之朱子云不知其誰何求其人  
以實之則鑿矣豈漢晉諸賢之說盡謬耶且接  
辟世章旨尤有原委另作一章未敢為然

深屬淺揭

深則屬淺則揭爾雅曰帶以上為屬帶以下為  
揭襄子晉陽之師亦有帶上帶下之說朱子云  
以衣涉水則本注疏不遵爾雅

蒲蘆

爾雅云蒲蘆虫也唐敬括蒲蘆賦云究政化之  
所歸于蒲蘆而可見負矢磨之異族云云全篇  
以為虫屬也韓致遠詩云窓裏日光飛野馬案  
頭筠管長蒲蘆亦言虫也朱子引沈存中蒲葦  
與爾雅唐賦大異

多助寡助

鴻門舞劍項伯自蔽沛公此所謂多助之至天  
下順之寡助之至親戚叛之者也武帝遣李陵  
屬戴師軍陵願得自當一隊帝遣路博德迎李

陵博德亦羞為陵後武帝所以覆軍敗將此所謂長子帥師弟子與尸凶者也

仲尼亟稱於水

徐子曰仲尼亟稱於水論語川上之歎或指此歎其他經傳不復再見惟荀子宥坐篇及劉向說苑子貢問大水必觀之說孔子答之極詳亦可証亟稱之義

焚廩浚井

禹章述舜完廩浚井一段當時必書載其事觀

其措辭命句非春秋戰國之文也禹章引書以問孟子必先代相傳非臆說也

孟子

孟子七篇不曾引禹一句似不深於易理者也

帝力

擊壤歌日出而作日入而息鑿井而飲耕田而食帝何力於我哉古本作帝於我有何力哉力字合韻

垂居

陳負鉉語予云朱注引列女傳關雎未嘗見其  
乘居而匹處者悞也淮南子關雎興於鳥而君  
子義之為其堆雄不乖居也乘居宜作乖居於  
義尤得

芑杞有三種

薄言采芑菜也豐水有芑草也維縻維芑白梁  
粟也無折我樹杞柳屬也南山有杞在彼杞棘  
梓杞也集于枸杞隱有杞楨枸櫨也

荼有三種

誰謂荼苦菜也  
有女如荼茅莠也以薺荼蓼  
陸草也

百穀

楊泉物理論曰稻梁菽各二十種為六十蔬果  
之實助穀各二十為四十共名百谷詩曰播厥  
百谷非漫無所指也

淫奔詩

有女懷春吉士誘之又云毋使尫也吠儼然寫  
出淫奔之態小序乃曰惡無禮也而詩意愈晦



矣。淫奔之詩，何處無之。寧獨鄭衛哉。

笙詩

詩南陔以下六篇，有其聲而亡其辭，亡非亡失之亡，乃無也。宋人辯之，不啻數千百言，總之於亡字，未嘗深味也。

相鼠

埤雅云：有一種鼠，見人則交其前足而拱，謂之禮鼠，亦謂拱鼠。詩曰：相鼠有體，人而無禮，正謂此也。今有人家見鼠作拱揖狀，遂以為妖，是未

識相鼠之性耳。

鳧雁

鳧雁常以晨飛，故詩曰：明星有爛，弋鳧與雁。

宗法不行

詩大雅公劉篇：君之宗之。注云：為之君，為之宗。上則皆統于君，下則各統于宗。春秋哀公四年，晉人執我蠻子赤，歸于楚。左傳云：楚司馬致邑立宗，以誘其遺民。宗法自夏商至周末猶行，秦漢而下無聞矣。不知廢于何時也。

文質

商尚質周尚文古語也然商頌繁而周頌簡何哉

周正辯

古今周正之辯紛々不一溫陵陳元齡引六經語孟最為明白辯曰周正建子六經闕如也其紛々藉以為三正逆建者皆漢以後諸儒之記傳也如尚書大傳如史記如獨斷如元龜如孔叢子如後漢書皆穿鑿附會以周十一月為

正夜半為朔八寸為律中黃鍾是也若其他則承訛而襲舛者也如晉董巴如宋邵堯夫宋元晦以十一月斗指於子至十二月斗雖指丑而日月五星迺會於子故商正周正皆取於此是也又其他則隨聲而附和者也如程伊川春王正月孔子自行天子之事胡文定夏時冠周月劉和夫王正迭建不止三代是也皆於口授之餘以疑傳疑而未嘗於載籍之中以信考信日懸遠而日支離故竟千古而莫決也吾以為詳

周之故者莫備於六經六經今犁然在也當商  
周之際而未嘗一及改朔之事即細搜博攷而  
無從一徵建子之實其非建子可知也且不特  
此也六經之中其記時日月者亦不為少然徵  
之建子而無所可徵至按之建寅則無一而非  
夏正其非建子而為建寅又可知也夫六經莫  
先於書書之陳範曰日月之行則有冬有夏謂  
二至也建子而春冬而秋夏矣二至其何以稱  
之金縢曰秋大孰未獲天大雷以風畫偃言電

夏令也周之秋五六月禾方出土安得大孰而  
畫偃之此書證也絀書莫若詩書之陳豳風也  
七月終篇無一而非夏時朱元晦以為追述公  
劉后稷似也然詩作於周亦周時之云耳強而  
附於夏無論周公不出此其如生今反古何也  
小雅采芣諸詩勞還卒還役之詩也今年春暮  
行而其詩曰昔我往矣楊柳依依又曰采芣采  
芣亦剛止其非建子之春暮矣明年夏代者  
至復留備秋故其詩曰有杕之杜有皖其實日

月陽止至過十一月而歸又明年中春至故其  
詩曰今我來歸雨雪霏霏今我來思雨雪載途  
又曰卉木萋止女心悲止征夫歸止其非建子  
之秋春與十一月矣此詩證也六月詩曰六月  
棲々戎車旣飭十月詩曰燁震電不寧不令燁  
皆以建寅言也不然周之六月何以犯司馬法  
而曰當夏興師且八月雷未收聲何不寧而不  
令也又如四月之四月維夏六月徂暑秋日萋  
萋百卉具腓冬日烈々飄風發々小明之二月

初吉載離寒暑臣工之維暮之春亦又何求節  
節參看其為建寅皆無容置一喙者此又詩證  
也詩亡而後春秋作春秋魯史魯之歷周歷也  
隱三年左氏傳云夏四月鄭祭足率師取溫之  
麥秋又取成周之禾明乎其夏時之夏秋也以  
為周而四月夏之二月秋七八月夏之五六月  
麥禾其何從取之九年三月庚辰大雨雪傳云  
書失時也必夏之三月而後建辰月而後雨雪  
以為大異也莊七年秋大水無麥苗周之秋而

麥未及下種可云無麥取耶此春證也僖五年八月甲午晉圍上陽問於卜偃對曰童謠云丙之晨龍尾伏辰鶉之賁天策焯々火中成軍龍賁公其奔其九月十月之交乎丙子旦日在尾月在畢鶉火中必是時也旦而鶉火中夏之九月交非建子之九月交也甲午至丙子四十三日正十月朔日也十五年秦伐晉卜徒父筮曰歲云秋矣我落其實而取其才實落才亡其為夏之令也徵矣二十一年夏大旱焚巫尪杜

雷陽注云周之夏二三四月旱不為災焚巫尪災極也周不災而夏災也成二年二月無冰傳云啟而無也建子而二之日鑿冰冲々何以啟冰耶十六年正月雨木冰傳云寒過節也以為過節則夏之正而非周之正又明矣此又春秋證也大戴禮之夏小正夫子之所謂吾得夏時者也戴記之月令所謂周時者也今觀月令之歲月日時星中辰次與小正有以異乎無以異而以為夏寅而周子何也周禮五官俱以正月

之吉始和布令於邦國都鄙非寅正而正月之  
吉其安能以始和延若遂大夫正歲而簡稼器  
修稼政也媒氏中春而令會男女也黨正四時  
孟月之吉而讀法也其何非夏令也又如旅師  
周粟而春頒而秋斂也山虞而仲冬斬陽木仲  
夏斬陰木也籥章中春擊土鼓以迎暑中秋迎  
寒亦如之司燿季春出火季秋納火也挈壺氏  
及冬則火爨鬲水而沸之而沃之也又何時而  
為周令也此又禮證也曾點曰暮春者春服既

成孟子曰春者耕而補不足秋者斂而助不給  
非夏正也而暮春何以春服既成而浴沂風舞  
雩當秋而斂可省而助不給也又曰七八月之  
間旱則苗槁矣夏之七八月之間苗豈其盡獲  
而無可槁而元晦必以為周五六也豳風云十  
月穫稻又云十月納禾稼以十月登場去前  
七八月之間尚有兩月此時苗正望雨之時一  
不雨而槁甚矣而必強而附之五六月何也歲  
十一月徒杠成十二月輿梁成正於農隙之時

以平治道塗而必以為周之十一月信如  
所言則築塲圃納禾稼之時而勞之以修造橋  
梁不其病民而虐用之豈所為先王之制耶凡  
此皆載在六經語孟當時朝廷之所以作事民  
間之所以興作與夫聖賢之所以剛定里巷之  
所以歌謠自上及下自周初至戰國人經數十  
代書傳數百年細々搜索無一不合於夏正不  
知何故而為三正之說而後人隨聲逐影至於  
夫子修春秋如春王正月正叔廉侯求之而不

得其說而一以為夏時冠周月一以為夫子自  
行天子之事支離穿鑿遂至厚誣吾夫子也或  
曰胡文定曰前乎周者改年而不改月如伊訓  
元祀冬十有二月三祀冬十有二月此何以稱  
也曰商之十二月厯見此二年耳他無所考也  
彼凡事書年而偶及月若必以此為建丑定案  
則周書中之惟三月亦再見二月五月十有二  
年六月亦數見幾何不以周之建二三五六月  
為歲首耶曰在氏僖五年正月日南至昭二十

年二月日南至此又何說也曰此與襄二十一年九月十月二十四年七月八月日頻食所謂司歷過也失置閏之故也日月無連月頻食之理以失閏亂書夫子因而筆之而無從正定左氏正月南至之說正為是也至二十年二月則益荒矣今用夏正未有十二月冬至者即以為建子而二月延南至此其為失閏無疑然亦左氏傳之夫子未嘗筆之經也左氏出於西漢之末其為魯魚附會不可知然以左質左而為夏

正十之九獨二至以失閏而偶不合耳夫吾何知周正吾知有六經語孟而已



徐氏筆精卷二

晋安徐 勳興公謨輯  
同里邵捷春肇復訂定  
温陵黄居中明立編次

詩原 凡十七則

古詩有本

古樂府巴東三峡猿鳴悲  
夜鳴三聲淚沾衣杜  
甫聽猿實下三聲淚本此  
梁簡文帝採蓮渡頭擬  
黃河即今欲渡畏風波  
李白即今欲渡緣何事

*[Faint bleed-through text from the reverse side of the page]*

如此風波不可行本北古辭白石郎臨江居前  
導江伯後從莫李賀沙浦走魚白石郎本北古  
辭陳孔驕赭白陸郎乘斑駁李賀陸郎去矣乘  
斑駁本北唐人作詩必熟讀樂府諸作能化舊  
為新時見筆端不為蹈襲

對鳳垂龍

賈克妻李氏名婉字淑文有對鳳垂龍玉鏡臺  
謝眺咏鏡臺詩云對鏡懸清冰垂龍掛明月事  
實本此

風雅

屈宋之文出于風韓柳之文出于雅風者動也  
雅者常也如魯點之言志似風三子之言志似  
雅伯奇之履霜操似風閔子之失紉語似雅柳  
詩多似風韓詩多似雅太白風多于雅子義雅  
多于風至于義山飛鄉雖本國風然篇々入鄭  
衛之響矣

總帳馬策

魏武命銅雀臺施六尺床下總帳陸機文曰悼

總帳之溟漠至謝朓詩云總帷飄井幹張正見  
詩云曲罷總帷空乃易帳為帷左傳秦統朝贈  
士會以策李白詩云臨行將贈統朝鞭乃易策  
為鞭蓋帳卽帷策卽鞭古今更端用之不嫌杜  
撰

阿鞞回

樂府有阿濫堆名曰阿鞞回李白司馬將軍歌  
羌笛橫吹阿鞞回是也

釣竿

古今注云釣竿者伯常子避仇河濱為漁者其  
妻思之而作也每至河側輒歌之後司馬相如  
作釣竿詩故卓文君白頭吟云竹竿何嫋々魚  
尾何篸々正引伯常子事以諷相如非漫無所  
指也

如花似乳

梁張率對酒詩云如花良可貴似乳更甘珍言  
酒之香如花色如乳也存經緯曰酒者乳也乳  
字本此

春畫

春畫之設其來久矣。張衡詩云：衣解巾粉御，列圖陳枕。張素女為我師，儀態盈萬方。衆夫所希見，天老教軒皇。儼然閨房秘戲之像。徐陵與周弘讓書云：歸來天日得肆間居，差有弄玉之俱仙，非無孟光之同隱。優游俯仰，極素女之經文，升降盈虛，畫軒皇之圖勢。雖復考槃在阿，不為獨宿，全用張語。至于俯仰升降，則逼真房中之術矣。豈曰列圖已哉。

東鄰棗

庾肩吾云：池通西舍之流，窓映東鄰之棗。杜子美詩：堂前剝棗任西鄰，用庾語耳。

別賦

鮑照升天行云：暫遊越萬里，近別數千齡。江淹別賦：暫遊萬里，少別千年。襲其語也。

祖陶句

陶詩云：雖無紀曆志，四時自成歲。唐詩云：山中無曆日，寒盡不知年。又云：山僧不解數甲子，一

葉落知天下秋。王百谷云：此地人家無玉曆，梅花開處是新年，皆從陶詩變化也。

茅山僧林和靖

茅山老僧詩云：一池荷葉衣無盡，教畝松花食有餘。剛被傍人相問訊，老僧今日又移居。林和靖詩云：山水未深猿鳥少，此生猶擬別移居。直過天竺溪流上，獨樹為橋小結廬。二作頗相類。然皆蹈襲唐陳羽吳融二絕也。羽詩云：雖有柴門長不關，古烟高木共身閒。猶嫌住近人知處。

現欲移居入遠山。吳融云：石臼山頭有一僧，朝無香積夜無燈。近嫌俗客知踪跡，擬向中峯斷石層。

宿醒中酒

詩云：憂心如醒。徐幹情詩云：憂思連相屬，中心如宿醒。唐人下第詩云：氣味如中酒，情懷似別人。本此。

六朝詩似唐

六朝人詩與唐迥別。然有句法類唐者，如朔風。

動秋草、遶馬有歸心、亂流趨正紀、孤嶼媚中川、  
野曠沙岼靜、天高秋月明、銅陵映碧澗、石竇瀉  
紅泉、歸華先委露、別葉早辭風、胡風吹朔雪、千  
里度龍山、秋河曙耿耿、寒渚夜蒼蒼、雲去蒼梧  
野、水還江漢流、實開盛唐之門戶也、

蹈襲古句

晉羊球西樓賦、畫棟浮細々之輕雲、朱拱溫濛  
濛之飛雨、王勃滕王閣則襲為畫棟朝飛南浦  
雲、珠簾暮捲西山雨也、杜甫陽城郡王新樓又

襲為碧窓宿霧濛々濕、朱拱浮雲細々輕也、唐  
人多讀古賦、往々變化而用之、若勃序一篇、蹈  
襲甚多、前人拔出不獨落霞秋水而已、

唐詩蹈襲

唐詩往々蹈襲六朝人語句、戴叔倫一年將盡  
夜、萬里未歸人、則梁武帝一年漏將盡、萬里人  
未歸也、即十元暮蟬不可聽、秋葉豈堪聞、則吳  
均落葉思紛紛、蟬聲猶可聞也、高適功名萬里  
外、心事一杯中、則庾信悲生萬里外、恨起一杯

中也。杜甫薄雲岩際宿，孤月浪中翻。則何遜薄雲岩際出，孤月波中上也。

### 滕王閣序

王勃滕王閣序云：層臺聳翠，上出重霄；飛閣流丹，下臨無地。乃襲王中頭陀寺碑云：層軒延袤，上出雲霓，飛閣逶迤，下臨無地。又不獨落霞秋水襲庾信也。

詩話凡四十則

### 犀渠

鮑照白紵歌：象牀瑤席鎮犀渠。鎮壓席之物，卽今之鎮子也。古者坐必席地，以鎮石壓其四角，恐捲動不安。犀渠卽碑礫也。梁昭明將進酒：宜城溢渠，盈中山浮羽卮。渠盈亦車渠也。

### 獨漉

傅玄有獨漉篇，注云：一作獨祿。晉歌為麻字，古通用也。不知何義。汲冢周書王命篇有獨麻是獸名。

### 歲臑

梁武帝江南弄舞春心臨歲腴歲腴未詳所出  
似指豐年而言

博山爐

古詞楊叛兒歡作沈水香儂作博山爐博山爐  
上有蓋如山形香烟纏繞不相離也

鐵床

古詞長檣鐵床子鐵床者以鐵為輶轡而拘帆  
者故下句云布帆阿那起阿那二字又狀布帆  
因輶轡而動之意

破瓜

古詞碧玉破瓜時即為情顛倒芙蓉凌霜榮秋  
容故尚好夫破瓜時春也芙蓉凌霜秋也春時  
色美故使郎顛倒矣而秋時亦不見其不美也

望羊

文王操五神運精合謀房兮興我之業望羊來  
兮按竹書紀年武王駢筮望羊望羊言目如羊  
之望視五星聚房亦是當時事此文王望武王  
克商之意



孔子學琴於師襄有曰黜而黑頰而長曠如望  
羊奄有四方非文王孰能為此鄭侯升秕言解  
曰按釋名望佯陽也言陽氣在上舉頭高似若  
望之然也

綠沈

綠沈本于杜詩古今辯之多矣筆叢引援極詳  
曰綠沈者綠色深也或用鐵或用竹或用瓜或  
用漆或用筆或用弓弦或用屏風或用扇非專  
指一物也

三彭

道家說三尸卽三彭謂彭瑒彭質彭矯也唐詩  
守庚申之說本此

輞川詩

摩詰輞川詩來者復為誰空悲昔人有注皆未  
分明蓋輞川舊為宋之開別業摩詰後改為莊  
此兩句蓋指之間而言昔人卽之間也余嘗質  
陳幼孺深然之

艇板

古樂府暫泊千渚磯，歡不下艇板。艇板即今上  
岸透板也。刻本誤作廷板，非。

弓蛇弩蛇

漢應彬為汲縣令，請主簿杜宣賜酒，壁上有懸  
赤弩，照于杯中，形如蛇。宣惡之，謂蛇入腹，遂病。  
後至其故處，知弩影，遂解。晉樂廣嘗有親客曰  
前蒙賜酒杯，中有蛇，即飲而疾。于時河南廳事  
有角弓，畫作蛇，廣復置酒曰：復有所見否？客曰  
如初。廣告之，故沉疴頓愈。二事絕相類。梁簡文

詩云：沉疴類弩影。杜子美詩云：弩影落杯中。皆  
用宣事。

金盃

南史沈炯行經漢武通天臺，為表奏之曰：甲帳  
朱簾，一朝零落。茂陵玉盃，遂出人間。杜詩：早時  
金盃出人間。注杜者謂欲避玉魚，故改作金盃。  
為掩護耳。金玉兩物，安可通用耶？焦氏筆乘載  
盧克金盃事，足破諸注之妄。

柿蒂綾

杭州古有柿蒂綾、白樂天杭州春望詩云、紅袖  
織綾誇柿蒂、元張翥詩云、為織春袍柿蒂綾、樂  
夫自注云、柿蒂花者、尤佳、施肩吾詩云、朝織葡  
萄綾、不知出於何地、

鶴雲

芳緯立春雲如白鶴、唐魏徵郊祀樂章云、鶴雲  
且起、言青帝也、

衣夜襞帷畫空

王勃臨高臺云、錦衣夜不襞、羅幃畫未空、意謂

衣夜當襞而不襞、帷畫空而不空、其淫樂反  
易晝夜也、今本作晝不襞、夜未空、澹然無味矣、

走竿丸劍

走竿丸劍之戲、古已有之、至宋、齊尤盛、何養天  
詩云、脩標多巧捷、丸劍亦入神、標竿也、丸劍能  
縮劍成丸、而復伸之也、今倭國有軟刀、亦丸劍  
之遺制、

馬飾

鐵柄、鐵鈿、鉾、鏤渠鞍、皆馬上飾鞍之具、符融

云、舟着鐵柄、福又云、舟着鐵鈿、鉞、徐陵云、雕鞍名、鏤渠、車渠也。

雲菰、柸簾

梁雅樂歌云、雲菰清引、柸簾高懸、皆樂器也。

略約

略約、橫木橋也、陸龜蒙詩、頭經略約冠、微腰。

挿笈、箸帶、蠹頻、蘇子瞻詩、略約橫秋水、浮屠挿

暮烟

鱗

風吹水上、紋如魚鱗、郭璞詩、閭闔西南來、潛波  
渙鱗起、言兌為閭闔、風水波渙然、如魚鱗之起  
也、若認鱗為魚、則索然無味矣。

撲朔、撲渥

撲朔、兔走也、木蘭辭、雄兔脚撲朔、又作撲渥、東  
坡詩、寒窓暖足來撲渥。

日三竿

今作詩者用日三竿、按齊書天文志、永明五年  
十一月丁亥日出三竿、其色黃赤、暈三竿之說。

本此

串眉

羨女顰眉額痕成串、梁簡文詩云、長嘖串翠眉

僑裝

客裝一曰僑裝、鮑照云、僑裝多闕絕、旅服少裁  
縫

井如六博

楊用修云、二十八宿井星形似六博、乃詩人北  
斗挹酒漿之意、余按陳謝燮詩云、井公能六箸

玉女解投壺、周王褒詩云、誰能攬六博、還當訪

井公、按神異經云、穆天子東征、與井公博、三日  
不決、井公指人也、用修語想別有據

狄香

外國香曰狄香、張衡詩云、灑掃清枕席、鞮分以  
狄香

玉衡

張正見雞詩云、蜀郡隨金馬、天津應玉衡、按春  
秋緯、玉衡星精散為雞

雲母箱

周王褒詩高箱照雲母

勞劍

劍屢殺人曰勞劍唐鮑溶詩云閒弓失月影勞劍無龍光勞劍即勞薪之例

軒帆

謝惠連詩軒帆邈遙路軒帆即車舟也

羅塵

羅塵羅襪之塵也顧野王艷歌行羅塵嘆洛妃

又云豈知洛渚羅塵步新奇可愛

單情

今人有單相思雙相思之語不知梁宮人包明月者作前溪歌云單情何時雙古人已先得矣

薤葉簞

薤葉簞紋之細如薤葉也陸龜蒙詩云小簞風來薤葉涼

砂床

陸龜蒙云自拂烟霞安筆格獨開封檢試砂床

按五溪蠻地產丹砂石之不碎而砂附其上者  
名砂床見宋輔溪蠻叢嘆

委蛇

蕭羔羊曰委蛇離騷曰載雲旗之委蛇一本作  
逶迤一本作逶移劉向九嘆曰遵江之逶移張  
衡西京賦曰聲清暢而綏蛇孫綽天台賦曰路  
威夷而脩通潘安仁金谷詩曰峻坂路威夷漢  
書作逶蛇樂郊詩有水出逶夷蓋聲同而字屢  
變不妨通用惟韓退之石鼓歌蛇字叶陀

昔耶

蒼苔一曰昔耶梁王僧孺詩云夜風吹熠燿朝  
光照昔耶又南方草木狀素馨花一名昔耶茗

烽

唐邊塞未嘗置驛以烽計程張說云黑山烽外  
陣雲開迴樂烽前沙似雪可證岑參云首着烽  
邊逢立春戎昱云山頭烽子聲叫烽子守烽聲  
卒也

外獎

謝靈運詩云、沮漳自可羨、客心非外獎、江淹詩  
云、得失非外獎、言內有所樂、非外人所能勸獎  
也、  
噫嘻吁、  
蜀人見物驚異必曰噫嘻吁、李白蜀道難、用方  
言也、古文未見此三語耳、

更點

唐更漏二十五點、故云二十五聲秋點長、宋減  
初更二點五更二點、本朝依之、

詩訂凡三十七則

南叶心韻

南字古叶心韻、詩經、凱風自南、吹彼棘心、漢鏡  
歌、美人歸以南、駕車馳馬、美人傷我心、蘇題幼  
稱捷悟、避裴談諱、誦枯樹賦、易其韻曰、昔年移  
柳依、漢陰、何不押心字韻、以叶江潯  
之句乎、

甯音

甯古韻叶平聲、與沈韻庚青通用、漢郊祀歌云、



穰々復正直往甯馮鵠切和疏寫平

疆場

疆場左傳讀易韻陳後主馬草報疆場叶陽韻  
唐人多叶陽亦失攷耳

車字協韻

車叶魚又叶麻常昭曰古無居音自漢以來始  
有也然易睽卦先張之弧後脫之弧見豕負塗  
載鬼一車已協居韻矣

櫓字誤

古詞張翥不得魚不櫓翥不歸櫓字恐是魚字  
之誤各本俱作櫓于義不暢

岫

爾雅曰山有穴曰岫陶淵明云雲無心以出岫  
是也謝玄暉云窓中列遠岫徐季海云孤岫龜  
形在皆誤用耳後世盡以岫為峯去爾雅遠矣

白苧舞

古辭晉白苧舞歌分作三首章用兩韻至晉首  
世方昌樂未央意盡矣質如輕雲色如銀乃是

一首豈當初編次之誤遂相沿襲耶

伯奇稱考

尹伯奇履霜操履朝霜兮採晨寒考不明其心  
兮聽諛言按父沒則稱考子奇投河而死吉甫  
尚在此必後人述之之作也

騎吹鼓吹

古樂府騎吹鼓吹曲有分別列殿庭者名鼓吹  
從行者名騎吹

木蘭辭

木蘭辭女子代父從征之作也中有可汗大點  
兵之句按後魏太武帝時蠕蠕始自號伊利可  
汗則是辭當是晉以後人所作也或者疑萬里  
赴戎機關山度若飛朔氣傳金柝寒光照鐵衣  
四句如唐人詩遂以為唐人偽為之者不知齊  
梁如此句甚多也如玉珂鳴戟馬金距關場雞  
蓮花穿劍鏑秋月掩刀環絕漠衝風急交河夜  
月明等句不類唐人句法耶如當窓理雲鬢掛  
鏡貼花黃大類齊梁口吻予謂此辭出齊梁作

者無疑

崔顥李白

崔顥黃鶴樓詩古今絕倡首起四句渾然短歌句法也李白鳳凰臺效之聲調亦似歌行今人槩收入律恐未必當唐人律格甚嚴漢陽樹對鸚鵡洲青天外對白鷺洲謂之歌體則自然謂之律體則遷就矣

匡山

子美憶李白詩匡山讀書處頭白好歸來趙子

常及諸注皆謂其指廬山五老峯而言也唯修可引白墓在蜀之彰明有大小匡山白讀書于大匡山有讀書臺尚存非潯陽之廬山也余謂以指蜀之匡山為是蓋甫時在蜀而憶白之在夜郎故云歸來若是廬山則來字無着落而讀書處又無實事矣

高適學詩

史言高適五十始學為詩辯者以為不然予觀子美云歎息高生老新詩日又多曰老曰新則

通學詩之遲可見矣

樊川別集

杜牧樊川集語多猥澁惟別集句調新清宋姚  
西溪以別集為許渾詩言之有據且今世許集  
傳本多鬱林詩蓋渾曾至鬱林也杜牧未有粵  
西之行而別集忽有松牌出象州之句似可證  
非牧詩然其中又有寄許渾并華堂今日綺筵  
開詩乃牧之作然疑信相半千載而下莫能為  
之分別也

天馬歌

李白天馬歌馬之形態悉備儼然相馬經也中  
云白雲在天丘陵遠崔魏鹽車上峻坂諸本天  
字上增一青字遂失句讀

相思子

筆叢謂唐人骰子近方寸凡四點當加緋者或  
箴相思子其中溫庭筠詩云玲瓏骰子安紅豆  
入骨相思知也無相思子即今紅豆也愚按嶺  
南閩中有相思木歲久結子色紅如大豆故名

相思子每一樹結子數斛非卽紅豆也惟和兄  
子夜歌云紅豆落深坑到底相思子亦沿襲溫  
語之誤

紉

卿雲歌卿雲爛兮禮漫兮今禮字乃紉字之誤  
紉似礼又誤作禮失之遠矣紉紛也注云郁  
紛卽紉字之義見采書樂志人皆未攷耳

康浪

甯戚歌滄浪之水白石粲滄當作康齊有康浪

水見一統志滄浪楚水也

剔菑織

仙人鄭思遠常騎彪故人許隱菑痛求治鄭拔  
彪鬚及執挿菑間卽愈陸雲與兄機書曰有剔  
菑織一枚以寄兄所謂織者疑是此類趙子昂  
老態詩云食肉先尋剔菑織今皆作籤

詩題誤

郎士元送南史云雨餘深巷靜獨酌送殘春車  
馬雖嫌僻鶯花不厭貧虫聲粘戶網鼠跡印床

塵借問山陽會如今有幾人通篇全非送別語  
諸選本俱相仍未有考其本題者

葉想衣裳

本由清平調雲想衣裳花想容蔡端明曾書此  
詩作葉想衣裳刘后村以為落筆之誤非也蓋  
端明書不苟作况首字安得有誤然細味之葉  
想衣裳固自與牡丹穩帖差勝雲字豈端明得  
正本而後世反誤耶

雲霄一羽毛

杜甫詠諸葛云三分割據紆籌策萬古雲霄一  
羽毛虞伯生注云三分鼎立之計可謂屈曲而  
費心思矣然此籌策無以復加獨見之超出萬  
古之上雲霄之間見一羽毛無與儔匹也鄉先  
輩謝大司農漢南詹言云雖三分割據未伸其  
籌策而萬古雲霄長瞻其羽毛羽毛猶言羽儀  
也二說予猶有疑焉予謂武侯視之不過萬古雲霄之  
策其功甚大然以武侯視之不過萬古雲霄之  
上一羽毛耳言視如此大功輕若鴻毛也

歸期無奈何

子美遊何將軍山林六首末首起句云。去意忽  
不慍。歸期無奈何。趙注云。自敘客懷。謂所以忽  
不慍者。由未有歸期也。真類說夢耳。蓋子美前  
五首俱述何氏山林之勝。故末首云。去意忽不  
慍。將別何氏而歸。真無奈何耳。故頭聯云。出門  
流水住。回首白雲多。尚有戀々之意。結句云。祇  
應與朋好。風雨亦來過。全首俱是眷戀山林之  
想。若作自敘客懷思歸故鄉。大無意味矣。

杜律虞注

杜律虞註。楊文負作序。疑其不出伯生之手。然  
實京口張性伯成所著也。性亦元進士。後世借  
伯生之名以行。予家有張刻古本。名杜律演義。  
世罕知也。謝司農公嘗言。使琉球時。見彼國讀  
書無經。而以杜律虞註當之。是以燕石寶少陵  
也。今其註具存。若鶯啼修竹。不知為梁孝之園。  
大吠白雲。不知為淮南之宅。宗臣之贊。不知為  
蕭何。頻繁之表。不知為庾亮。如意。不知為王戎。

下韞不知為桓虞、仗鉞不知為宗資、褰帷不知為賈琮、斷石不知為峽、長流不知為江、胡語不知有老子、自寬不知有采期、息機不知有馬援、如泥不知有周澤、高門不知有鮑宣、郛筒不知有李商隱、行路難不知有袁山松、烏皮几不知有謝玄暉、與夫窮愁之本於四離、獨夜之本於七哀、糾紛之本於賈誼、函側之本於沈約、真源之本于昭明、青龍之本于葛陂、朱拱之本于西樓、伯仲之本于典論、指揮之本于漢書、莫打鴉

之本于古曲、欲教鋤之本于卜居、芟荷之本于離騷、蕙葉之本于孔雀賦、悲壯之本于漢陽搗奉引之本于聖公傳、袈裟之本于四分律、甚者金盃泥于玉盤、步檐訛為步蟾、軍儲自供、未稽府兵之制、洞門對雪、莫誓掖垣之規、高葉忽雲石之光、打鼓昧發船之節、芋栗忘其椽實、諸天遺乎內典、枳黃三寸、莫憶義康之豪、鵬碍九天、弗紀楚文之異、則其涉於蕪陋也、滋甚、曾謂聞人之注、有是乎、勸按張本編次、與虞本大異而



中訓詁張簡而虞繁必後人以張之舊稿稍增益之偽為伯生所註蓋伯生位極人臣而張宦不達故耳元吳伯慶有挽張伯成詩云何處重逢說別時斯文千載盡交期學慚知己先登早生愧同庚後死遲箋疏空令傳杜律誌銘誰與繼唐碑寡妻弱子將焉託節傳遺文只益悲楊文貞素以博洽聞又去元季未遠序文猶未能決其非虞筆宜乎愈久而愈誤也

冬青行

楊真伽發諸陵骨義士唐珏林景熙收而葬之後人紛紛不知為唐為林李西涯云唐義士林義士千載傳疑定誰是陶九成輟耕錄云唐收者諸陵骨林收者高孝兩陵骨故林詩中有雙匣之語皆拘方之見也夫當時發掘陵寢二義士協力收瘞共賦冬青行三首以紀其事是以唐林二集俱載九成謂林詩誤入於唐集尤拘泥也今諸誌以冬青行三首分為兩人所作予未敢謂信史耳

華清宮詩

杜常華清宮詩云行盡江南數十程曉風殘月  
入華清朝元閣上西風急都入長楊作雨聲連  
用二風字瞿宗吉詩話云向見一善本作曉乘  
殘月入華清殊覺氣味深長

驅鴈

謝朓可廷讚云王右丞出塞第三句暮雲空磧  
時驅馬又句玉靶角弓珠勒馬重一馬字按鮑  
照詩秋霜曉驅雁又北風驅雁天雨霜又洛陽

伽藍記北風驅雁千里飛雲然則右丞句為驅  
雁無疑矣曰可北辯足破千古之疑

郎士元詩

每讀郎士元月在上方諸品靜心持半偈萬緣  
空末句又云北心期與故人同重一心字且費  
解偶見馮元成執海河酌云於朱太史家見宋  
本北心作他時於義了然是以書貴古本也

鼉鼓

鼉鳴如鼓其教應更江淮人以鼉鼓為鼉更夏

小正剥鼉為鼓，鼉介屬皮，不可冒鼓。漢儒傳會其說耳。鼉鼓，卽蛙鼓之例。唐李賀詩云：吹龍笛，擊鼉鼓。後人皆襲用之。然詩曰：鼉鼓逢逢，蒙瞍奏公，則又似可為鼓者。

木葉城

木葉城在今遼東之地。沈雲卿古意：九月寒風催木葉，是也。後人改為下葉，誤矣。

右丞詩

右丞詩：迸水定侵香案濕。魏禹卿辯云：定水迸

侵又桃源面，絕風塵。陳可棟辯云：桃源西面對柳市南頭，皆破千古疑案。

面皮鬢

賀知章回鄉詩云：少小離鄉老大回，鄉音難改面皮鬢。兒童相見不相識，笑問客從何處來。今本俱作鬢毛，非唐韻矣。近觀侯籍錄，始知是面皮鬢，多鬚也。

唐詩誤字

鄧泰素語予曰：嘗見古本唐詩滿樹枇杷冬着

花滿樹作滿寺近與單車向洛陽近與作匹馬  
昨夜微霜初渡河昨夜作昨夜驛路西連漢時  
平驛路作驛樹二水中分白鷺洲二水作一水  
細味自得也焦弱侯筆乘云疎松影落空壇靜  
細草春香小洞幽春香作香生的對况又有砧  
聲近報漢宮秋之句豈當復着春字耶

溶々雨

耶 兼云北西廂月色溶々夜豈亦雨

世傳晏元獻詩梨花院落溶々月柳絮池塘淡  
淡風為警句然溶々水流貌月不得名溶々予

嘗病之近閱吳處厚青箱雜記云梨花院落溶  
溶雨始知月者後人改之雨字自妙

淵明采菊詩

沈啟南咏淵明采菊云典午河山已不支先生  
歸去自嫌遲寄奴蔓草無容地慳剩黃花一兩  
籬見石田集陳眉公秘笈以為王行作誤也

銅鞮伯氏

鄭繼之野興詩末云年來混迹漢樵下况有銅  
鞮伯氏風按春秋晉叔向其兄銅鞮伯華匿德

藏光不與叔向游者罕知伯華仲尼稱之曰多  
聞內植進退兩尊繼之銅鞮句用伯華事耳向  
見鄭詩刻本疑其用白銅鞮故事改為習氏夫  
題曰野興用伯氏固宜改曰習氏不惟失作者  
本意而于題旨句法不相符矣校本未更因筆  
而出之以俟知者

### 草堂詩餘

宋人選詩餘名曰草堂楊用修強為之解曰李  
由有草堂集詩餘中有憶秦娥菩薩蠻二闋為

百代詞曲之祖故名草堂殊牽合附會今世此  
書盛行人之傳誦然知其說者蓋寡矣胡元瑞  
稱博洽亦未釋然于此

詩砭凡六則

### 西園詩塵

張維誠西園詩塵云易象幽微法鄰比興書辭  
專暢式用賦物春秋借傲義本風刺三禮莊鴻  
體類雅頌匪謂六籍同歸於詩祇緣六義觸處  
皆是不先窮經而以別才別趣之說自益者究

竟與北道何涉又云五言古莫工於漢魏莫盛  
於晉七言古莫工於初唐莫盛於盛唐五言律  
莫工於盛唐亦莫盛於盛唐絕句莫工於盛唐  
莫盛於晚唐獨七言律自盛而工至我明而始  
盛又云世謂作詩勿入唐以後事自五代入明  
事物人羣之變不知幾許而謂盡不堪入詩料  
此詞家習談實執林之積蠹又云宋三百年間  
名鄉碩儒高士踔絕諸代製作累々豈無篇句  
可追踪往昔流布來茲者一稱宋詩竟從抹殺

既未目睹且不耳聆相率唾棄真可涕可恠右  
教段皆發前哲之所未發實論詩之金針也今  
人乍占四聲卽自負曰詩有別才不窺四部而  
欲橫行旣苑試取維誠詩塵讀之

詩道之蔽

屠田叔詩談云近時崇尚甫解之手輒便呶呶  
稍習聲偶遽壽棗梨人靡不握管城以擣詩  
無不巧玄晏而為序詩道崇尚無過今日清風  
輟響亦無過此時

沈韻

屠綿真云天下事有最僥倖而不可解者沈約  
韻書是也一東與二冬六與七虞之屬前此  
諸韻並通孔子作經及漢魏古詩斑斑可攷豈  
盡譌謬至約始改正耶約吳興人局於方言蠻  
俗不審宮羽而敢背越聖賢變亂千古後世導  
之如聖經百代而不敢易此甚不可曉也約本  
齊臣更事梁武禪代之詔出約手後夢禘和帝  
引刀斷舌乃上章于天謂禪代之事不由己出

天可欺乎古文人最濫得名者此人也

賀監湖

賀知章乞鑑湖歸老時年八十餘矣其詩曰少  
小離鄉老大回鄉音難改鬢毛衰兒童相見不  
相識咲問客從何處來夫少小仕宦至於兒童  
不相識貪戀祿位亦已久矣及將歸又問明皇  
乞鑑湖一曲占故鄉之水利推知章之心無一  
事一息放過後世侈為賢達高尚不已過乎蓋  
當時明皇有詩送之在朝各有贈言後世遂因

之而重亦知章之幸也

趙子昂題陶詩


趙子昂題陶潛歸去來圖云生世各有時出處  
非偶然淵明賦歸來佳處未易言後人多慕之  
效顰惑姪妍終然不能去俯仰塵埃間斯人真  
有道名與日月懸青松卓然操黃花霜中鮮棄  
官亦易耳忍窮北窓眠撫卷嘗三嘆世久無此  
賢觀此詩子昂之慕淵明至矣然身事虜朝貼  
譏後世信能言而行不逮也

王李劉詩文

屠緯真云讀元美詩如入武庫不勝利鈍讀元  
美文如覽江海終成大觀讀于鱗詩初喜其雄  
俊多則厭其雷同若雜一首于衆作之中則矯  
然特出不翅衆鳥中一蒼隼矣劉子威文深古  
艱澀驚心聳牙文章如是不妨自成一家詩道  
必不可爾所謂本性情中宮商被管絃相距萬  
里矣



徐氏筆精卷二



Faint, mostly illegible text in seal script, likely bleed-through from the reverse side of the page.

水

